

rent, vicariorum præbendas essent habituri. Romam peregrinationem aggressus est : quo anno nobis incomptum ; sed certo scimus, dum ille abesset, Gerardum ejus nepotem, thesaurarium et archidiaconum, ab archiepiscopo Trevirensi vicarium generale diœcesis institutum fuisse. Alterum in Cluniacense monasterium iter suscepit, monachorum illic degentium sanctam conversationem virtutesque suscipiendo et æmulandi gratia. Plurimas res ecclesiae suæ tradidisse dicitur in Actis episcoporum Tullen-sium. In synodo celebrata viii Idus Maii 1192, ad archidiaconorum et abbatum preces publicavit statuta de insequendis raptoribus, hereticis et monachis apostatis. Ratas babuit eo anno item et 1196 indulxas Flabonis-montis monasterio donationes. Subscriptis 1194 litteris in gratiam S. Michaelis. Ipso quidem anno pacem conciliavit inter Simonem ducem Lotharingiae et Ecclesiam Romaricensem. Ecclesiam d'Euville ab Herberto, Radulfo de Asperomonte filio, conditam sacravit anno 1195. Eodem anno Simoni de Parois, mox Jerosolymam profecto, crucem exhibuit, ipsiusque in peregrinatione defuncti testamen-tum, quod ab illo acceperat, est exsecutus. Mirevallensi cœnobio tradidit anno 1196 altare de Midrevault. Interfuit eodem una cum nepote suo comitiis ab Henrico VI Cesare Spiram indictis, ubi ei ipse a legato apostolico crucem ad iter in terram sanctam suscipiendum accepit. Insequenti anno ad imperatorem querebam de Theobaldo I Barri comite, ut ecclesiae Tullensis vexatore, detulit ; largitusque est canonicis S. Leonis prioratum de Nas et Leprosorum domum sitam in parochia de Petra-ficta. Confirmavit etiam viii Kalendas Junii ejusdem anni Hugoni abbati Cluniacensi ecclesiam de Mosterol. Adhuc etiam de exorta inter Simonem ducem Lotharingiae et Romaricensem Ecclesiam controversia litteras expedivit (1). Jero-solymam hoc anno vel insequenti profectus, uti voverat, in itinere decessit vi Kalendas Decembribus, juxta Necrologium S. Mansueti. Corpus ejus in urbem relatum, in medio navis cathedralis humo mandatum est, dein in tumulum Hugonis II Vadani-montis comitis, nepotis sui, in ipsa ecclesia sepulti, trans-latum.

(1) Bened., *Hist. Tull.*, prob., p. 98.

ODONIS STATUTA SYNODALIA

ANNO 1192 EDITA.

(D. MARTEN., *Thesaur. Anecdota.*, IV, 1178, ex authographo Belli-Prati.)

In nomine Patris, et Filii, et Spiritus sancti.'
Odo, Dei gratia Leuchorum episcopus, omnibus ecclesiasticis personis in episcopatu nostro constitutis in perpetuum.

Noverint in posterum, ac memoriter teneant universi, quod dilecti nobis in Domino fratres et amici archidiaconi et abbates de episcopatu nostro ad nos venientes, et pro lacrymabilibus injuriis, quibus ecclesiae nostræ et ecclesiarum ministri quotidie oppressi irremediabiliter laborabant et afficiebantur, pariter ingemiscentes; unanimiter nos rogaverunt, ut contra tyrannidem raptorum et quoruñlibet malefactorum in eos desæventium, illud auxilii et protectionis consilium atque tutainen eis misericorditer exhiberemus, quod ex injuncta nobis cura et officio pastorali eis paterne exhibere debebamus. Unde nos communicato cum eis consilio, sicut rationabile nobis visum fuit, et eorum discreta consideratio nobis consuluit, statuimus quod in præsenti pagina capitulatim adnotari præcepimus.

I. Divina non celebrentur in locis per quæ transeunt injuste ablata ecclesiis.

Statuimus itaque, et sub anathemate interdiximus, ut quando per quodcumque castrum seu villam in episcopatu nostro consistentem bona ecclesiarum nostrarum, seu cuiuslibet clericorum nostrorum per injustam ablationem deducta transire, vel forte ibi pernoctare contigerit, ita quod exinde nihil prorsus ibi remaneat, interim divina ibi non celebrentur. Ubicunque autem bona illa vel ex toto, vel ex

A parte receptari, vendi, aut quocunque modo expendi contigerit, divina ibi fieri omnino interdicimus, et emptores pariter cum predicatoribus eadem excommunicationis sententia innodatos esse usque ad integrum restitutionem, et condignam satisfactionem decernimus : hoc adjicientes, quod interim si qui ibi manentes, et illius injuria non consentanei nec autores in extremis positi fuerint, confessionis et viatici suffragio fungantur, sepulturam vero in atrio non habeant, donec ablatis ex integro restitutis, et divina ibi celebrentur, et extra atrium positi sine omni emendatione debito atrii honore donentur.

II.

Constituimus etiam, ut si aliquis de principibus aut nobilioribus hujus terræ bona quælibet ecclesiarum seu clericorum nostrorum in propria persona sua per violentiam diripuerit, et in villam suam deduxerit ; in eadem villa, et in tota alia terra sua divina non celebrentur, donec ablata ex integro restituantur. Si vero milites, vel quicunque de familia tam principum quam nobilium aliorum bona quæcunque similiter ecclesiarum seu clericorum nostrorum violenter acceperint, et in villam domini sui deduxerint ; divina ibi penitus non celebrentur, donec ablata cum satisfactione ex integro restituantur ; et cum ipsi maleficci autores a nobis nominati excommunicati fuerint, et hoc per episcopatum nostrum innotuerit ; ab omnibus presbyteris ubicunque divina sient, singulis dominicis diebus nominatum excommunicentur. Si vero pro-

rigore justitiae capitalia ex integro redditu fuerint, A quod carriaverint, ab omni christianitatis obsequio ipsi tamen, non nisi satisfactione nobis prius facta, nullatenus absolvantur. Hoc vero nunc superaddimus, quod quicunque aliquem de hujusmodi malefactoribus, a nobis nominatim excommunicatis, in domo sua receperit, apud sese eum pernotare sustinuerit, pariter cum illo excommunicatus sit, nisi per ignorantiam se hoc fecisse probare possit: quod sola manu sua ei facere licebit si voluerit; si autem se inde purgare non potest, et ad emendationem culpæ pro nocte illa decem solidos solvere voluerit, et toties decem solidos quot noctibus illum recepit, a sententia vinculo absolutus erit.

III. Hæc statuta transgredientes officio et beneficio privati.

Quia vero diligent ac perutili consideratione hæc deliberavimus, et communi omnium subditorum nobis clericorum tam rogatu quam assensu hoc teneri decrevimus ac præcepimus, statuimus, quod quicunque subditus nobis simpliciter clericus, seu etiam monachus hoc nostrum mandatum transgressus fuerit, et beneficio, si habuerit, et officio careat in perpetuum.

IV. Divina cessent cum sepelitur aliquis in cæmeterio tempore interdicti.

Porro de his qui corpus alicujus defuncti violenter in cæmeterio tumulaverint eo tempore quo villa illa a christianitatis obsequio propter justitiam suspensa fuerit; constituimus, ut quandiu ibi sepultum fuerit, divina ibi penitus non celebrentur; et cum ejectum fuerit, nec in illo, nec in alio cæmeterio deinceps unquam sepeliatur. De his vero qui corpus sic tumulaverunt, si quis ante reconciliationem obierit, similiter christiana sepultura caret in perpetuum.

V. Contra vim inferentes domibus religiosis.

Et quoniam gravis et intolerabilis plaga domibus religiosorum imminet ex hoc, quod potentes terræ boves seu cætera animalia, vel carros ad carrucandum sibi violenter diripiunt; irrefragabili determinatione constituimus, ut illi qui tales violentiam fecerint, statim sub interdicto excommunicationis teneantur; et illi qui eis dederint vel vendiderint quod carriabunt, postquam violentiam illam cognoverint, similiter excommunicentur, et villa illa ad quam deportatum fuerit

suspendatur, quousque damna domibus illata ex integro restaurentur, et digne de cætero Deo nobisque satisfiat.

VI. Adversus fugitivos.

De fugitivis vero qui professiones suas irritas facientes, de quolibet ordine ad sæculum revertuntur, similiter constituimus, ut singulis Dominis diebus per universas parochias excommunicentur; et si uxores duxerint, uxores similiter et familiæ eorum excommunicentur, et omnes qui eis aliquam christianitatis communionem scienter præstiterint, sub interdicto cum eisdem teneantur.

VII. De celebrante præsente excommunicato.

Si quis vero nobilium vel potentum terræ tempore quo excommunicatus fuerit a nobis presbyterum aliquem adduxerit, et contra interdictum nostrum divina sibi celebrare fecerit; ille qui taliter celebrare præsumperit, excommunicetur, et officio et beneficio ecclesiastico in episcopatu nostro careat in perpetuum.

VIII.

Constituimus etiam, ut si aliquis presbyter a nobis excommunicatus in dioecesi nostra divina celebrare præsumperit, beneficio et officio ecclesiastico careat in perpetuum.

IX. Contra Waldenses hæreticos.

De hæreticis autem qui vocantur *Wadoys* omnibus fidelibus tam clericis quam laicis in remissionem peccatorum suorum præcipimus, ut quicunque eos invenerint, vinculis astrictos teneant, et ad sedem Tullensem puniendos adducant.

X.

Illi sane memorie commendandum, quod si qui pro executione hujus justitiae a propriis sedibus suis, quod absit! expulsi fuerint, apud nos nostro patrocinio nostraque dispositione victus et vestitus administrationem, prout dignum fuerit, indubitanter invenient. Omibus hujus cartæ tenorem servantibus sit pax et gaudium per omnia sæculorum.

Aetum legitime, publice recitatum, canonice in sancta Tullensi synodo confirmatum, indictione x, viii Idus Maii, anno Dominicæ Incarnationis 1192.